

Bjarni Reykjalín,  
Skipulags- og byggingarfulltrúi Þingeyjarsveitar og  
Skútustaðahrepps  
Kjarni  
650 Laugar



UMHVERFISSTOFNUN

Reykjavík, 6. ágúst 2014  
Tilvísun: UST20140700030/ksj

## Tillaga að deiliskipulagi þéttbýlis Reykjahlíðar, Skútustaðahreppi

Vísað er til erindis skipulags- og byggingarfulltrúa Þingeyjarsveitar og Skútustaðahrepps er barst 2. júlí sl. þar sem óskað er umsagnar Umhverfisstofnunar um tillögu að deiliskipulagi þéttbýlis í Reykjahlíð, Skútustaðahreppi.

Svæðið sem deiliskipulagstillagan nær til er milli Hringvegar (Mývatnssveitarvegar) og Múlavegar. Fram kemur í greinargerð tillögunnar að innan svæðisins eru hvorki friðlýst svæði né svæði á náttúruminjaskrá, en allt skipulagstillögusvæðið er á eldhrauni sem nýtur sérstakrar verndar skv. 37. gr. laga nr. 44/1999 um náttúruvernd. Innan skipulagssvæðisins eru Sauðahellir og Hvíthellir. Umhverfisstofnun tekur undir mikilvægi þess að hellarnir verði kortlagðir.

### Nýjar íbúðarlóðir

Fram kemur í greinargerð að í deiliskipulaginu felist að ofan Hlíðarvegar sé gert ráð fyrir fjórum nýjum lóðum fyrir einbýlishús á tveimur hæðum og auk þess átján lóðum fyrir einnar hæðar einbýlishús, parhús og raðhús með samtals 35 íbúðum. Umhverfisstofnun tekur undir þá stefnu að nýta svæði sem þegar er þéttbýlt fyrir ný íbúðarhús. Umhverfisstofnun bendir þó að á nýjar lóðir ofan Hlíðavegar er gert ráð fyrir tveggja hæða húsum, en annars er byggðin eins hæða. Þar sem landið ofan Hlíðarvegar er rísandi bendir Umhverfisstofnun á þá hættu að sjónræn áhrif verði af tveggja hæða húsum á því svæði, og mögulega munu þau stinga í stúf við aðra byggð.

### Fráveita

Umhverfisstofnun telur mikilvægt/nauðsynlegt að heildaráætlun um endurbætur og frekari uppbyggingu fráveitu í Reykjahlíð verði unnin áður en framkvæmdir verði leyfðar á tillögusvæðinu. Að mati Umhverfisstofnunar er mikilvægt að í stað bráðabirgðarrotþróar verði farið í heildaráætlun og framtíðaruppbyggingu fráveitukerfis og hreinsistöðvar samfara nýframkvæmdum á svæðinu. Umhverfisstofnun bendir á að sveitarfélögum á Íslandi hefur gengið illa við að uppfylla tímakvæði reglugerðar nr. 798/1999 um fráveitur og skólp, og því varasamt að setja upp vararotþró. Varðandi mikilvægi raunhæfra aðgerða í frárennslismálum

bendir Umhverfisstofnun á útdrátt á íslensku í upphafi skýrslu Árna Einarssonar en þar segir varðandi hvarf kúluskíts úr Mývatni: "Eina raunhæfa leiðin til ad snúa þeirri óheillaþróun við sem hér hesur verid lýst er sú að takmarka sem mest má verða að næringarefnini (N og P) berist í grunnvatn og þadan út í Mývatn. Næringarefnini berast frá mannabyggð, skepuhaldi, ræktun gróðurs og vinnslu dýraafurða og áður fyrr frá námuvinnslu kísilgúrverksmiðjunnar. Taka þarf þessi mál, einkum frárennsli frá byggð og gistiþöðum til gagngerrar endurskodunar, og er ekki eftir neinu ad bíða hvad það snertir. Jafnframt er brýnt að gera strax úttekt á næringarefnum í grunnvatninu og fara auk þess yfir fyrirliggjandi gögn um þau." Að mati Umhverfisstofnunar er því mikilvægt að varanlegar fráveitulausnir fylgi áframhaldandi uppbyggingu á þéttbýlissvæðinu

#### Niðurstaða

Umhverfisstofnun telur greinargerð ofangreindrar deiliskipulagstillögu greinargóða, en bendir á nokkur atriði sem skoða þarf nánar: Stofnunin tekur undir mikilvægi þess að hellar á svæðinu verði kortlagðir, svo umfang þeirra verði þekkt áður en farið er af stað með framkvæmdir á svæðinu. Umhverfisstofnun bendir á mikilvægi þess að heildaráætlun um endurbætur og frekari uppbyggingu fráveitu liggi fyrir sem fyrst og að uppbygging framtíðarfráveitu og hreinsivirkis fyrir þéttbýlið verði framkvæmt samfara uppbyggingu svæðisins. Að mati Umhverfisstofnunar yrðu sjónræn áhrif aukinnar byggðar á svæðinu mögulega meiri ef hluti íbúðarhúsa er áætlaður á tveim hæðum, en ef gert væri ráð fyrir að öll íbúðarhús í þéttbýlinu væru einnar hæðar.

Virðingarfyllst

Kristin S. Jónsdóttir  
Kristin S. Jónsdóttir  
Sérfræðingur

Björn Stefánsson

Björn Stefánsson  
Sérfræðingur

Skipulagsstofnun